

四庫全書

集部

欽定四庫全書

夢澤集卷五

明 王廷陳 撰

詩

在館即事二首

長日稀朝謁兼之薄領無閉門人伴鶴染翰吏兼儒風  
砌翻紅藥晴軒映碧梧雖云棲省署瀟散即蓬壺

其二

幸接神仙侶來遊翰墨林空庭無候吏古木有鳴禽疑  
義更相析成詩衆與吟長揚猶未賦宴坐愧朝簪

院中齋宿

落日閉深院齋心事事幽雪梧縈徑色煙柳帶渠流隱  
几春星擁焚香暗霧留窺人愛雙鶴對爾肅清修

駕出

享帝春正及行天羽衛攢百靈迎萬乘夾轂候千官後  
騎迴丹闕前旌駐壁壇佇瞻馳道上佳氣逐鳴鑾

大祀

香殿裊氤氲鈞天九奏聞帝臨趨袞冕神至各風雲肅  
肅宮壇啟依依黍稷芬甘泉稱賦頌吾已愧雄文

駕幸南海子

南郊初禮帝上苑騁雄圖虎兕先聲伏車徒翼輦趨網  
羅張一面部曲用三驅侍從羣臣在應知諫獵無

駕入

鏡音傳晚甸芝火動春城一路青陽送千門紫氣迎龍

鸞迴國步星月扈天行  
大內通宵入祥煙  
達旦生

慶成宴

園丘大禮協聖酒  
百官傳霄漢  
流仙樂風花捧御筵  
尊留春殿月佩委夕墀  
烟不數汾遊日真同鎬宴年

八厓周子邀飲未赴聊此謝過兼索觀羣公席上之作

不赴仙堂宴幽期隔綵雲  
祇緣憐數會翻遣惜離羣  
地通騷壇接天迴劍氣分  
風來度香草佳句許相聞

送周侍御按貴州

近憐周柱史持節向遙天  
霄漢花驄出江湖錦纜牽  
鬱盤千棧閣浩蕩百蠻烟  
春盡南征日衣冠覺爾賢

送夏大行奉詔使南紀

我亦天涯客看君萬里行  
浮湘遷史跡喻蜀馬卿情  
雲氣蒼梧野楓林白帝城  
壯遊茲不忝海內早知名

寄兄

吾家雙玉樹何事自西東  
鴈塔雲霄上鷓原江海中  
趨

庭萊子綵旅食薊門蓬  
抵益憐毛質飛騰萬里同

寄鷄鳴寺真人

悵憶遠師室留人一榻深  
雲霞淹佛日花鳥散禪林  
閣俯春城麗軒留晚岫陰  
煩君招白社於此謝冠簪

郭外即事

病卧閉門久占晴起看花  
城行紆霧堞草坐藉煙沙  
綰騎蘿風合停鶯竹日斜  
芳菲愁即歇留賞滯生涯

紀聞

禁城馳道接行殿  
獵原侵布騎圍熊  
館鳴弦合羽林似  
聞驅猛獸已見失  
前禽暴殄哀天物  
仁哉祝網心

贈人

南塘個儻士薄宦  
向西陬石竹臨江  
映春雲抱峽流徘徊去國日  
浩蕩望鄉愁莫厭卑棲地  
三巴足壯遊

送劉振廷令慈利

別離古有調送爾一長吁  
遠下荆門鷁雙飛漢殿鳧  
鳴琴依石篠岸幘眺春湖  
暇日烟花興風流陶令俱



劉氏雙挽

日月仙丘閱風流古調更高餘松柏氣無復鳳蕭聲龍  
劍人間覓魚軒地下迎庭堦有玉樹應慰九原情

送李子中養病歸

省署辭京邑庭闈指大梁經年違鯉對即日謝鷓行採  
藥春嵩少紫蘿舊草堂君無戀脩竹人擬獻長楊

其二

游矚傷人事興衰感世情猶傳授簡叟無復抱關生客

散梁王苑人耕宋帝城行多懷古詠一一寄同聲

寄夏大行

銅柱標南紀荆門控百蠻詔從霄漢下槎過斗牛間江  
山迴黯慘谿洞鬱躋攀預想趨朝日應多邊徼顏

慰馬子足疾

漢帝羣臣侍居然司馬賢那能多病後不廢子虛篇鳳  
鳥人爭覽雲霄翼可憐千金善自保清廟待朱絃

世其席上餞大復先生

夫子關西去，板留我輩情。  
風燈破暝色，月柝助秋聲。  
去住天涯淚，文章海內名。  
從今輟侍從，霄漢望金莖。

過廖子故宅

庭樹留尊處，空餘覆苑雲。  
馴堦舊鳥雀，落日噪紛紛。  
琴罷廣陵散，匣遺封禪文。  
悲風立馬際，隣笛不堪聞。

遊仁壽寺

鷲嶺迴孤塔，祇林鬱近城。  
幽人耽寂樂，秋日偶經行。  
巖閣縈蘿細，溪庭抱竹晴。  
欣然坐禪榻，聊以憇塵纓。

九日登仁壽寺後山

九日携朋出花宮，背郭開藉蘭坐香岫。  
捫棘臨高臺，鴈渺川雲斷林孤。甸色迴悲秋，亦楚客作賦，豈吾才。

夜坐鄭子宅彈琴分韻得琴字

言訪少谷子，呼童携素琴。為發絲桐趣，俱諧山水心。  
徑轉松篁密，堂虛風月侵。再彈吾不惜，此地有知音。

寄八厓子

吾子嗟行役，他鄉感別離。一辭西掖路，三復北山詩。日

下花驄出天邊旅鴈悲亦知復不遠明歲及瓜期

寄顏許州

吾友二三輩無如回也賢慚非清廟曲得藉朱絲絃豈  
乏雙魚至寧慳尺素傳離羣今已久望子數予愆

送龍廷重為榮府長史

榮國今宗國君材實楚材周家親魯衛梁苑重鄒枚杖  
屨丘園接琴書殿閣開天邊倦飛鳥霜雪早歸來

其二

未謝金門籍先諧靜者私  
桃源春泛穩桂苑月遊遲  
洞口漁人艇花間帝子卮  
茲行有詞賦不必弔湘纍

得周侍御子賢書喜作二首

自爾乘驄出令予愴別離  
經年一書札萬里轉相思  
天隔西南域秋憐鷹隼姿  
霜空望擊搏莫使羽毛垂

其二

去歲吾鄉友追陪良可歡  
月吟耽夕檻花宴簇春欄  
豈意乖雲雨翻令隔羽翰  
獨憐松檜色青翠耐天寒

雪東曹子

君本建安子來遊京兆天時聞郢中曲共憶剡溪船庭  
篠暝猶白檻蘿春欲烟何當載酒過一問子雲玄

贈方子二首

近接棠陵子昂藏野鶴姿跡留青瑣地聲徹白雲司竟  
阻江湖去翻嗟燕雀欺烟霄當奮起歸覓舊棲枝

其二

鄰並復同調過逢數舉杯謝公興不淺莊鳥吟何哀霞

日赤城曉雪濤滄海迴何當共舟去攜客訪蓬萊

立春

春旭自堪憐春愁旅病偏  
暄迴沙甸雪潤合柳城烟  
坐憶江臯上行知草樹鮮  
淹留慨時序盤菜不須傳

天津月夜偕曹子舟坐

繫月舟航偶臨流鼓吹哀  
星檣扶岸出霜葉灑汀迴  
鵲起南天迥龍吟北海開  
淹留候明發共爾一登臺

河西務別許子居



留滯金門客，追陪畫省郎。  
開筵迴浦溆，倚檻出帆樯。  
琴動幽蘭操，詩傳伐木章。  
風塵連解纜，天地一沾裳。

晚泊訪李仲玉

宵泛事幽尋，危巖倒月侵。  
石門面蒼渚，桂楫倚丹林。  
風竹和龍笛，冰絃藉鳳琴。  
酒闌各分手，天漢忽橫參。

臨清舟次別曹子三首

憶昔同嚴譴，隨君下瑣闌。  
龍蛇寒自逝，鷓鴣晚分飛。  
棹戛城氛渺，檣翻浪月微。  
轉令歧路淚，暗滿逐臣衣。

其二

對酒話今昔茫然來遠陰逆鱗批不死回首感何深此  
地一分手他鄉長別心所期持壯節無復計升沈

其三

寡合時應棄多憂日不勝漢京瞻比日周道履如冰顧  
已無長策徒然負直繩畏途各自愛舊署望同升

李沔陽自大梁經裕州因贈三首

雪夜梁王宴霜秋宋玉愁回瞻嵩嶽峙去逐楚江流少

室三花樹滄浪一葉舟南行正搖落知爾憶林丘

其二

湖水迴城郭風流暇日多宵追李白泛時聽越人歌伐  
鼓驚鷗鷺揚橈拂芰荷須君為地主獨舸杪秋過

其三

愛汝今山簡為邦復水鄉幽懷寄魚鳥儉德續羔羊憑  
几煙霞潤寒帷蘭杜香誰知詞客興不下大夫堂

齋中即事

候吏經旬少深秋百感生蒼苔侵竹戶白日下楓城鼓  
瑟焚香坐窺園散髮行天邊暮鴻雁故傍客愁鳴

被逮道中別舅氏歸

殊方秋更苦失路暫相將身世悲江夏軒車感渭陽勿  
傳三木慘驟使二親傷會有生還日心無愧彼蒼

被逮發裕州夜作呈諸公

空館秋偏寂窮途旅易哀砌蟲迎夕動塞鴈預寒來肱  
已經三折腸應倍九回願逢吹律者坐使積陰開

懷故園書屋往年同伯兄講業其中

北遊深歲月南望阻關河尚想雙龍卧翻驚獨鴈過夢  
勞扳徑柏春擬葺垣蘿回首藏修地浮名奈爾何

有感二首

多難已如此良朋今是誰傍觀紛竊笑對泣一空悲虎  
口幾不免人心安可知古交難獲覩三復谷風詩

其二

平生矜結客一旦失交親掉臂不我顧開心欲誰陳轉

見彎弓者那聞擊筑人  
翻思古游俠高義亦嶙峋

出繫俟放久未獲命煎鬱成詩

待罪形將影言歸去復留  
悲風憐代馬喘月愧吳牛  
畫地心猶憚呼天淚莫收  
強顏稱不辱俛首欲何求

出獄董氏宅夜飲書懷兼贈董氏兄弟

多難心逾壯高情宴獨遲  
風篁迷晚徑煙草暗春池  
射虎還疑石驚鳥尚繞枝  
緣君念兄弟把誦鶴鴿詩

出獄後歸興二首

幸爾網能漏依然劍尚埋側身向天地壯志委塵埃覆  
水今無及懷沙古有哀回思刀筆吏疑懼轉難裁

其二

孤憤辭梁獄高歌望楚鄉烟花春沔鄂樓閣畫瀟湘弔  
古懷增慨尋仙事頗荒何如共漁父一笑詠滄浪

同子言南歸道中賦竹桃二物

舊潛湘浦岸兼慕武陵源獨造非無興成蹊本不言七  
賢應共逸三士竟何冤物態依行色羈棲想故園

道中憩廢寺三首

徙倚前朝寺，依棲舊法筵。  
狐狸啼白晝，龍象泣諸天。  
寶樹縈蛛網，蝸涎繡石蓮。  
給園猶寂寞，歧路倍堪憐。

其二

解綬辭塵網，停車理石筵。  
金花何地布，寶月幾時圓。  
殿古蒼苔積，臺空紫蔓懸。  
那知臨淨土，煩惱障無邊。

其三

寶地元虛寂，金仙合杳冥。  
空林沈紫翠，畫壁落丹青。  
羈



旅暫投跡殘僧一啟扃  
迷方隨處是含意訊山靈

送人

楚地惜分手春風悵別顏  
王孫草新綠帝子竹餘斑  
干主攜書去期君揚策還  
男兒有如此應不滯鄉關

江上言懷四首

野闊風雲入天迴  
楚蜀通渚禽多白  
鷺巖樹半青楓  
哀怨湘君曲平成  
夏后功晚來懷古意  
極目送冥鴻

其二

岸東濤聲急軒凝野色重山懸神女雨江進楚王風舟  
楫爭先涉閭閻急暮春平生壯遊興潦倒對魚龍

其三

平野蒼烟合高城白鳥過澤蘭懷楚客石竹隱湘娥谷  
響歸樵唱江鳴發棹歌夕陽葭菼際將奈暮愁何

其四

月上船猶進江寒酒自寬弄珠元此夕解珮復何灘  
嶼樽前動星辰鏡裏看漁歌中夜起余亦飭綸竿

溪邊晚興

萬井皆秋色千巖盡落暉  
谷喧隣牧散溪響夕漁歸  
初月懸楓岸餘霞戀竹扉  
坐來憐夜永霜露入人衣

暮春偕二三子登定惠院亭

臺榭枕黃州春深岸幘遊  
雲孤開石壁地拔俯江樓  
觸目烟花散傷心歲月流  
棄捐知己矣童冠幾銷憂

席上贈熊掾

吏事資儒術秋筵接故鄉  
周官欽八議漢法重三章  
亭

倚林巒赤園看橘柚黃卑棲勿嘆息毛質本鸞凰

夜簡王少參舟中

薇省辭黃鶴蘭橈伴白鷗岸迴霜月抱江迴雪雲流銀  
漢乘宵上金陵逼歲畱田租聞賜減側識漢皇憂

觀江漲

旬月一來此懷襄真可憂龍蛇棲樹杪鷗鷺集城頭天  
接江湖混波搖郡邑浮青錢吾已辨急為買漁舟

春日書室示諸子

家聲看子弟世緒衍箕裘豹隱文當變鶯鳴友可求  
專門大戴禮入室汝曹優閭里高門在須乘駟馬遊

劉子好辯而不遇詩以贈之

美名吾久識雄辯古難逢君獨談非馬人皆好似龍  
早於干祿拙晚向結交慵予亦棲遲者相將學老農

寄館中諸友

一片嗟江國同遊憶禁林如聞視草暇猶有拔茅心  
人事傷川逝吾生嘆陸沉百年頻泣玉衆口已銷金

江上贈夏明府

令尹官初試江邦政已成節如秋壁峻心擬石潭清願  
契烹鮮理無矜拔薤名操刀知善割愛助亦吾情

喜廖子過訪席上奉贈八首

畫舸經黃國肩輿訪白雲雪行沙草濕風坐圃梅芬軒  
冕非吾意鳧鷗本自羣無煩談世事杯酒但論文

其二

供奉違東觀旋歸侍北堂衣冠照桑梓詞賦弔沅湘野

岸桃花發春洲蘭葉香他時三逕裏遲子洗壺觴

其三

自喜暫無拘束從江海徒尋仙憩黃鶴謁帝向蒼梧澤  
坐舟偏繫山行杖屢扶知君留滯處高興屬春湖

其四

未暇泛湘水徒然卧楚雲神龍那可係野鶴故難羣世  
路誰知己交情獨有君懸知今夜別劍氣斗間分

其五

霄漢長懷侶江湖已卜居山人惟白鹿學士自銀魚名  
致諸公早書開萬卷餘漢臣誰得似詞賦有相如

其六

地迴臨江閣天迴上斗槎潛行歌白石好去羨皇華登  
嶽元無極浮湘未有涯明朝相望地莫遣暮雲遮

其七

別我寒移棹懷君暮倚楓來經黃子國去傍楚王宮谷  
口桃千樹山中桂幾叢故園春定好留醉向東風



其八

奉使仍將母來遊荆楚天江光藉日色爭繞孝廉船翠  
竹筍新茁銀絲鱠可憐帆邊梅柳樹歷歷漢陽川

夜宴即事

樓開芳樹合逕轉落花深向夕香風起當筵皓月臨游  
人爭解珮侍女拾遺簪坐上絕纓者應知賢主心

寄方思道七首

赤壁陪仙宴蒼江識壯顏使君趨石上候吏出花間解

纜欲何往投簪及此還長風解相送一瞬萬重山

其二

觀日臨滄海歸山卧白雲遙尋少谷子同謁武夷君  
心迹能兼遂東南美並聞猶期為世用且莫去人羣

其三

偃卧非闕病連章祗乞骸鶯花供謔浪杯酒送詼諧  
無用樗因免難容飽已乖因風寄同調好去入君懷

其四

聞爾遊華頂，令予夢彩烟。  
戶庭羅峭壁，枕簟落飛泉。  
山有藏書穴，溪多送酒船。  
春江如有興，花裏到吳天。

其五

憶爾東歸日，長為吳會吟。  
春觴臨水曲，夜棹入山陰。  
結侶遊能數，逃人去轉深。  
蘭茗如可折，莫惜寄雲林。

其六

逢時非不達，憤世獨難平。  
拔劍出門去，揚帆際海行。  
雖貪謝客賞，猶繫子牟情。  
此地便高卧，無令負聖明。

其七

中朝俱屬望流輩總相推予慕長卿賦人傳幼婦碑七  
襄終莫報九逝竟空思世路風塵滿茫無見汝期

奉荅富順王殿下二首

帝室分封重王孫別館開禮於南嶽敵客比小山才為  
善心知樂通親表自裁雄風難可挹何日侍蘭臺

其二

國自荆藩析書從孔壁傳瞻天蒙肺附朝海切心懸賓

從思梁苑精誠感洛川  
晚來風稍勁吹月暈生圓

馬侍御見訪山中

村巷傳呼急秋園報爾過  
烏啼城日曉鷹疾野風多  
繡服臨樵牧花驄駐薜蘿  
霜威吾所憚暫為假陽和

其二

一辭金馬籍甘老白雲岑  
喜子今持斧憐予此盍簪  
各天晤不數末路契逾深  
徙倚庭前樹棲烏欲滿林

湖泛

楚地饒洲渚騷人戀芰荷鷁舟張錦席龍笛起滄波鳥  
影隨檣影漁歌入棹歌前溪聞更好欲進暮烟多

過諸子書屋寄虞文表

三禮傳非謬諸生仰獨深偶經伐木地徒有折麻心雪  
調朱絃盡星文寶劍沉憐君困已久梁父自長吟

秋園酌謝子

待汝頻扳桂憐予久繫匏無嫌一日長願結百年交  
放戶驚黃葉開尊藉白茅自無奇可問何怪世人嘲

其二

兒童操翰墨四十且無成自汝工諸體令予畏後生吾  
里中丞喬前朝太傅名高才有如此真不愧家聲

其三

我舅為生祖生名較我嘉忘年稱小友累世屬通家王  
謝賢非乏園廬路不遐逼衰偏薦舊數見惜年華

寄友人

之子鎮南荒威名萬里揚經年聞選士計日欲擒王神

武元無戰佳兵乃不祥  
寄言投筆者何事樂開疆

喜舒鄭二子夜過

寒景沈江閣繁星綴石林  
一時來二子散帙復鳴琴  
高價真連璧深盟可斷金  
從今三徑熟攜手數相尋

鄭生

鄭生才可憐白首困江邊  
長夏自饒睡窮途人餽錢  
相過夜不厭與語日堪延  
共試山家茗呼兒行汲泉

馮太守席上畱別



漢室馮公偉為郎歲月饒一麾煩出守白首竟誰招  
初雨傳觴日微涼秉燭宵相看意無限明惜馬蹄遙

江上送張子二首

天風忽然至吹地轉蓬科別淚隨江水離聲雜棹歌  
花時臨赤壁鴈候渡黃河京室懷予處長塞舊薜蘿

其二

他時懷大士何地望京華詞賦留香草衣裳見紫霞  
天邊今朔鴈澤畔已秋花歸路衝寒色翻思楚客家

謝氏宅夜集

過爾通宵宴留人樂事繁詩題芸草室觴到菊花軒月  
落城烏起霜寒樞馬喧醉來聊隱几旭日散柴門

溪邊二客過訪

白露窺楓浦蒼苔上石門人稀簷雀下草冷砌蟲喧竹  
裏開三徑花間倒一尊從今延二仲相與樂丘園

秋日過十一叔莊

陶潛耽漉酒阮籍好鳴琴沙鴈衝人起山蟬傍馬吟高

秋花是菊僻地竹為林醉後迷歸路蒼茫下夕陰

聞曹子仲禮緣近臣之疏蒙恩賜還

竄逐南天路荒涼北斗文翻飛元不意憂喜在初聞  
驄馬重趨闕金鷄兩赦君獨傷荆棘裏誰別鳳鸞羣

病後飲十一叔宅同諸兄弟

川雲流苑細樓月照筵新弄玉元秦女凌波本洛神  
竹林積雪池草暗生春骨肉情親夜深杯慰採薪

溪邊即事呈友人四首

歲晚人猶隔汀寒晝不譁松門當遠岫竹檻俯平沙鷺  
宿依冰片鷗飛亂雪花如聞子猷棹乘興到山家

其二

空齋灘響入塌岸水痕除竹杪喧簷馬芸邊走壁魚門  
無題鳳字村有卧龍廬曲巷寒門裏空傳長者車

其三

推窗迎嶠立垂釣鑿冰開未葉先生柳餘花處士梅鳥  
從烟裏度人向雪中來暝色青溪上緣君首重回

其四

佳景每自愜幽期孰與論  
林開延岫色沙圯滅溪痕  
洗藥穿松葉移尊傍竹根  
江山待詞客几杖向誰門

李國賓宅留別

昔以賀歲會于京師

汝拜朝正表予留謁帝居經年思鳳吹幾度寄魚書  
患難誼逾篤流連哀未除行吟恐憔悴他日弔三閭

送顧醫

潦倒文園客淹留顧虎頭  
我看方士傳君向古人求藥

裏春心滿風帆晚浪收匡廬傍南斗歸作採芝遊

夢澤集卷五

欽定四庫全書

夢澤集卷六

明 王廷陳 撰

詩

陳魯南太史使楚還晤予江上因贈三首

校書辭漢閣持節到江城萬乘臨軒送諸侯擁篲迎王  
人周室禮神女楚臺情詞賦兼文物知無負此行

其二



睦族遵堯典親臣踐楚郊北門虛視草赤社重分茅不以雲泥隔猶憐江海交皇華勞藉慰玄困任人嘲

其三

何意大江濱蒼茫接所親相看翼已變轉盼迹俱陳子是浮湘客予為哀郢人嚴程不我駐臨路倍沾巾

偶出

偃蹇蒼巖畔沿迴碧水灣鳴琴林竹下洗幘島藤間是處雲留卧餘生天與閒徘徊山逕裏指點暮禽還

進舸

進舸清秋暮吟風錦樹開前鳧衝棹散後鴈逐帆來石  
出灘聲轉沙明月色迴欲知臨泛永試看曙光催

訪董內方太史于漢口舟中即席投贈二首

漢廣來非偶人遐會亦奇獨趨金馬去暫遣白鷗隨泛  
舸疑牛渚彈冠想鳳池當憐澤畔侶顛顛不勝悲

其二

每憶朝端舊寧期漢上逢舉杯酌鸚鵡吹笛攤魚龍天

遠江俱盡楓迴渚自重知君欲解纜為我且從容

宴曾氏園亭即事遂成艷曲二首

賓客醉華堂情親向曲房佳人牽架蔓稚子搦池楊風  
起青蘋末雲生錦石傍勿云天日暮銀燭散朱光

其二

曲榭恣黃緣名園更接連引枝分檻果撥藻數盆鮮醉  
舞花低戶嬌歌鶯近筵儘教歡樂極莫負艷陽天

夜坐庭前棲鳥乍驚

側識安巢意那堪繞樹悲風寒難自穩月白更須疑烏  
鵲仍三匝鷓鴣但一枝卑棲復如此何有上林思

劉氏雙挽

蒿里風雲變松丘歲月深劍埋龍並逝簫去鳳俱沉鬱  
鬱楸梧氣悠悠伏臘心承家看令子壯節比南金

寄楊太常

武陵人

屈宋流傳古丘園道路賒湘潭題杜若源水問桃花黑  
髮違朱紱青山卧綵霞春霄目歸鴈早晚惠瑤華

遊武昌江龍盤磯寺

巨石表江心，花宮傍太陰。  
天寒龍卧穩，雲迥鴈飛深。  
棟宇飄明鏡，汀洲響梵音。  
慈航向夕渡，轉覺戀祇林。

與客夜宴舟中

宵岸移星舸，秋尊欸月扉。  
弄珠疑漢女，鼓瑟憶湘妃。  
聽曲魚龍出，撩筵鷗鷺飛。  
天寒不覺醉，斗轉未言歸。

送王洪德入蜀

落落幽并客，栖栖荆楚顏。  
遙知問卜去，或是泛槎還。  
雲

雨經三峽風煙犯百蠻看君壯遊志去矣杳難攀

張子魚過訪

故人天上至清宴夜深開澤畔微芳度江臯暝色迴  
楓林停翠幃月岸擁金壘正苦歡娛逼無令候吏催

送傅子歸豫章

歲宴向何處云之故國天行當臘雪盡歸及春風前片  
帆九江影瀑布廬山泉送君何所托為吊石灘賢

石灘  
舒國

裳別  
號也

楚眺

眺迥臨高閣，江湘萬里餘。  
草邊雲夢獵，花下武陵漁。  
白日山川氣，清秋水竹居。  
仙踪同霸業，消歇總愁予。

夜過邵子草堂

覓徑依林薄，傳杯竟夜分。  
曲堤盤古月，老樹宿寒雲。  
室靜江鳴徹，山空鬼嘯聞。  
倦來吾謝去，明發過論文。

江上贈羅汝延太守

君今握印綬，吾已息柴荆。  
雪舸寒初繫，風汀晚更鳴。  
雲

霄五馬貴江海一鷗輕贈子以何物中洲攬杜蘅

雪中喜涂生數來

念子貧到骨佯狂頗自賢未辭東郭履頻泛剡溪船彈  
鋏竟不遇吹簫古有然蛟龍本神物變化知何年

夕渡訪友人

暝色滿晴川幽人何處邊山腰翻落照水面沒遙天賈  
爨灘煙合漁歸岸火懸剡溪今夜棹乘興未言旋

登武昌西山絕頂二首



昔望懷徒積今登氣益雄  
壺觴飛鳥外几杖入雲中  
地引江湖盡天含澗壑空  
壯心殊未已浩嘯倚長風

其二

山迥人躋倦雲長鳥去遲  
天中傾竹葉日下把松枝  
石想吳王劍城吟謝客詩  
醉歸臨渡處應與夕陽期

宿龍蟠磯寺中

龍象開靈嶼龍鬣戴法筵  
石間攢寶樹鏡裏湧紅蓮  
香氣潭烟接燈光岸火連  
禪房風浪逼永夜不成眠

晨渡望龍蟠寺

石拔烟霞抱舟迴  
浦淑通樓臺疑蜃市  
鐘鼓識龍宮  
寶樹縈波上  
金花落鏡中  
何時登彼岸  
一洗世緣空

寄上富順王殿下

南國諸王館池亭  
獨有名楚風蘋末勁  
淮月桂叢明  
中物醒先析  
當天暈已生  
無令為善樂  
專美漢東平

戲贈西陽子二首

西陽談道術  
冬日尚絺衣  
啟戶歡晴旭  
無余憚夕暉  
黃

金慚不就白髮欲何歸  
飢餓朝來迫蓬頭叩我扉

其二

未試餐霞術空傳煮石方  
三旬凡九食顏面頗倉皇  
灰冷燒丹鼎香餘賣藥囊  
巖寒君少畏歲已逼青陽

春日山居即事五首

草動三江色林占萬壑晴  
籬邊春水至簷際暖雲生  
溪犬迎船吠隣鷄上樹鳴  
鹿門何必去此地可躬耕

其二

瓜地斜侵浦茅堂曲抱山琴書青竹裏枕簟綠蘿間累  
日頭無梯浮雲心自閒交遊漸稀少雙戶晝長關

其三

築室清溪曲為園古道傍苔痕侵戶牖雲色上衣裳牧  
笛依青草漁舟隱綠楊偶然幽興愜搔首放歌長

其四

繫舸籬傍樹開渠檻外流竹烟藏曉嶂花氣覆春洲玄  
鳥營巢至陰蟲逐侶遊生涯堪放浪何必世人求

其五

野曠林爭出花深逕屢迴春風芳草上亂水白雲隈燕  
接飛蟲去鶯沾落絮來小堂宜竹護一一荷鋤栽

送王知事還蜀

佐郡已三載還家無一錢苦心成白首達命任皇天峽  
東秋江怒雲盤古棧懸歸來揚子宅寂寞守吾玄

丁酉之夏觀文溪子於大江之濱與之述徃感時  
命酒坐石揮涕而別太息成詩

愴爾離羣久艱危更可傷一麾堪白首萬死出南荒  
天入瀟湘闊風驚鶴鶴揚垂堂古有戒去矣慎舟航

李袁兩生過飲

駕枉潛夫室堂開上客筵雖吾丈人行愧汝兩生賢  
春去傷花艷年來倦草玄吁嗟老將至何以使名傳

江上

晴日麗芳洲春風振碧流靈均蘭可攬神女珮堪留  
漁豈臨淵羨仙因入海求機心息已久自喜不驚鷗

寄汪子

憶當武廟末並上漢庭書  
放逐時皆散音容日以踈  
諸君不遠復獨我遂幽居  
鍛羽當年侶翻飛迥不如

其二

不合輒投簪高踪衆所欽  
波流奮獨往海嶠發孤吟  
雖滯秦稽跡猶縣魏闕心  
徵書行且至棲遯不宜深

其三

自免一何勇邴生誠我師  
可為智者道聊愜幽人期  
歲

月任公釣登臨謝客詩肯令滄海岸重勒北山移

其四

羣公方議進吾子獨初衣即市稱大隱於星應少微鵬  
圖無近適鳳覽有餘輝高士逝已久非君誰與歸

其五

自爾稽山卧風猷較古多名流掩王謝遊客結羊何洲  
島馮軒得雲霞岸幘哦頗嗔冠蓋訪不厭野人過

贈邦伯吳公



予慕古循吏人稱新使君雖然改絃鼓不以治絲琴退  
食溪毛飫公庭鳥毳紛良哉二千石名已漢皇聞

混迹

混迹依田父全身學道流每隨兒牧豕一以已為牛民  
擬無懷氏身如不繫舟小溪桃盡發還似武陵遊

友有被謗而褫其官者詩以慰之

省已良非過於人乃不孚文身棄章甫按劍對明珠去  
位賓朋散還家儋石無孔顏亦偃蹇汝困勿嗟吁

有感

萬事不復理此生從所之自知心匪石誰念鬢成絲得  
失事非偶馳驅數已奇雖然罷通籍飽飯亦恩私

遣興

深居懶出村習靜欲忘言岫苦雲霞變溪憎鴈鷺喧連  
生聊可托智者始堪論久絕青雲想從教白髮繁

觀漲

孤嶼崇朝失平疇一瞬深室廬淪水府網罟入雲林實

想輕舟濟虛疑陸地沉敢興微禹嘆側識警堯心

江上送吳子

垂老難為別那堪落木紛雲霞緣岸合鳧驚觸船分霜  
浦蘭尊竭風城玉笛聞此生湖海上何日再逢君

舟夜

澄潭宜夕霽倒岫入波流宿檠依楓岸張筵面橘洲露  
縈鮫女泣月瀉翠娥遊窈窕羣仙接無煩海上求

過張道士方丈二首

欲尋方外侶，奈迫區中緣。  
石髓不可遇，山房聊借眠。  
虛空逃漢起，道德出關傳。  
何日丹砂就，驅鷄上九天。

其二

洞壑隣鮫館，烟霞繞鳳臺。  
神君當畫下，仙客御風來。  
瑤草侵堦長，桃花覆水開。  
願言分玉醴，坐遣壯顏回。

得陳魯南書感而賦此

與子才非敵，於予意頗親。  
歸來各異楚，老去竟參辰。  
忽枉兼金訊，長懷如玉人。  
此生重見否，數過益傷神。

寄顏惟喬五首

馬卿才豈劣狗監薦難逢  
近老時名損長貧世事慵  
昂藏身是鶴變化德猶龍  
道大如君者斯人宜不容

其二

聞子幽棲處絕無人世喧  
琴書元粟里鷄犬似桃源  
雲影晝垂席溪流春到門  
弓旌早晚至白首去丘園

其三

身棄名何賴才高世總違  
著書唯木榻遠害獨荷衣  
游

夏辭難贊

間准春秋作  
隨志故云

漁樵迹近微時能共童冠溪上

詠而歸

其四

道困已如此年稟將奈何有時傳郢曲落日更商歌長  
夜真難旦陽春未擬和祇應具舟楫乘興數相過

其五

昔君為亳守談笑靖風塵郡已殲豺虎時翻忌鳳麟奇  
功元不賞直節竟無隣後代看今史方知社稷臣

贈隣叟

屈曲溪迴谷青蒼樹隱村  
深山無甲子老境有兒孫  
畏吏棲鄉井逢人問國門  
漁舟花下入還似武陵源

訪友人

同是棲巖者今為出谷求  
攀嵒遙命駕訪戴不回舟  
麗日青蕪郭香風白芷洲  
親交近零落願子晚綢繆

祖塋前溪邊穫稻

跡緣桑梓重心厭稻梁  
謀祖德何能述農功此  
暫留黃

雲殷隴畝白鶴唳汀洲正苦蒼山暮那堪碧樹秋

哭江景孚二首

昔獻金門賦曾追玉署遊碧山憐息馬丹壑嘆藏舟壯  
志風雲散遺書館閣收延陵徒把劍何日掛松楸

其二

子已先朝露文章失鳳毛人皆惜年少天亦厭才高  
草餘池墨流芳托楚騷因之念朋侶寥落半蓬蒿

過倪道士故居二首



服食知非誤先期汗漫遊閒門山鬼嘯何處谷神留丹  
訣乾坤秘玄文海嶽收誰知松子宅亦有世人憂

其二

寂寞雲君錄推殘鳳女臺海田猶有變洞壑豈無哀始  
學乘牛去終期化鶴來室餘金竈火千古不成灰

喜張子自滇至

故渚依黃鶴長途自碧鷄瑤華歸有贈寶劍去曾攜驥  
足哀難展羊腸險遍躋從今無復出溪上伴鳧鷖

山莊雜興十首

老夫諳稼穡次第葺園廬對酒唯田父呼門絕里胥桑  
麻經雨後花竹宛秦餘如此生涯足何勞薦子虛

其二

事去心逾壯年來迹轉孤濯纓臨漢沔安枕荷黃虞春  
澗偏魚鳥秋窓近竹梧出逢隣叟飲醉倩野童扶

其三

避人開石戶覽物坐山堂湘袖寒增色江蘿晚更香卜

居悲楚客招隱憶淮王寂寞吾甘守浮沉念總忘

其四

計拙堪時棄謀生托野人鶯花無約束木石有比隣  
溪上思龍蟄林間學鳥伸逢人無一面語契即情親

其五

天地一虛舟浮沉雙白鷗半生從失計萬事不關愁  
山月杯中映江雲几上流狂歌人莫測吾興屬滄洲

其六

圓坐晴逾麗  
畦行晚更宜  
客從蘿逕入  
自笑葛巾敝  
果熟山禽戀  
林馴野鹿隨  
憑欄契物理  
衛足頗欽葵

其七

樹古村墟僻  
江寒邑里秋  
過雲頻送目  
累月不梳頭  
廢禮緣多病  
求仁未寡尤  
呼兒問網罟  
明發上漁舟

其八

葉減山爭出  
林秋景故偏  
候蟲喧冷砌  
過鴈影晴川  
月酌沾松露  
風吟雜澗泉  
何人會幽興  
寂寂自鳴絃

其九

物換竟誰使朋來非我期  
曙光隨日薄秋籟入雲悲  
連婦開新醞從兒誦古詩  
自為真率飲忘却鬢成絲

其十

蘿軒時散帙苔澗亦垂綸  
翠竹供詩遍蒼林佐酒頻  
岫重遲見旭源曲易迷津  
早契沈冥理難為俗子陳

立秋日陪七澤兄飲

行年嗟近老流序忽驚秋  
雖奉連枝喜其如一葉愁  
孤

烟沉邑井返照入林丘  
少日青雲志相看恥未酬

春盡

春盡人將老庭閒晷獨遲  
絮飄兼鶴毳花落罨蛛絲  
石溜依琴瀉雲陰入戶移  
幽懷偏水竹晚步故臨池

送人

君移夏口棹去作越中遊  
臘意含新柳春聲隱凍流  
南行探禹穴東望接蓬丘  
湖上風光好鶯花累月留

九日同田子宴武昌西山

令節樊山宴深秋楚客哀雲長一鴈往江遠片帆來倦  
倚丹楓想回看蒼渚開登高復能賦知爾大夫才

秋日寄劉子

直道古來少如公迥不羣結廬衡嶽下垂釣古江濱竹  
向皇英覓雲從赤帝分慚予亦楚產何可擬清芬

歸自山莊作

萬事形骸外半生魚鳥間為農稀出郭習隱不居山晴  
旭歡獨往暮雲倦與還呼兒檢賦草閉戶細加刪

郊園

獨此郊園寂兼之徒侶稀  
灌園踏碧草把酒看翠微  
竹晚輕颺度樓晴片月依  
自無致身策莫遣賞心違

送張都閫致仕歸二首

山郭秋陰重江流畫戟明  
亦知南顧慮其奈北堂情  
去偃龍蛇陣歸尋猿鶴盟  
伏波今未老銅柱尚標名

其二

爾家淮海曲秋日賦歸來  
戎服本儒行將軍今老萊  
舊



諳司馬法兼有季鷹才寶劍君長拭無令染綠苔

宿九峯寺

疋馬九峯下寒宵萬壑陰月當層殿起雲擁曲廊深煮茗開松閣焚香對石林諸天倚愁寂鐘磬淨塵心

哭陳魯南二首

九原如可作諸子孰能儔隻字都人重遺書漢使求龍蛇賢運厄霄漢歲星收檢爾平生贈長吟恨未休

其二

尚憶論經地猶聞考牧年  
焚魚滄海上弔鶴白雲邊  
竟阻生芻莫遙悲宿草阡  
從茲廣陵散無復世人傳

以詩賦呈諸知己

形穢燕人石心憐楚客詞自矜  
小子學直愧壯夫為積歲知多  
誤成家恨已遲抱琴者誰子絃  
絕為鍾期

人有自郢來者輒有所述敬賦三詩

帝典隆先德王心永孝思  
一為沛邑幸重覩漢官儀  
民以粉榆復恩於父老私  
普天蒙在宥茲地特先施

其二

周王湛露雅漢帝大風歌野老提攜聽邦人感激哦  
邑爭牛酒獻道望羽旄過金石音當被乾坤德豈磨

其三

殿閣重臨日園陵歷覽餘閭閻聞警蹕婦子識鑿輿  
谷應軒轅律山藏大禹書天文將睿藻輝煥楚村墟

宴魏子園亭二首

池館名江國賓朋實楚材屏間烟霧濕鏡裏芰荷開  
鶴

以吹笙下魚因鼓瑟來盡歡須秉燭歌妓莫頻催

其二

近市林依宅叢生桂插天偶來大隱地高詠小山篇蘿  
暝雲歸洞篁踈月到筵花間迷出處須仗主人前

再過魏園兼觀衆作輒賦二首用前韻

投李慚無報如樗分不材草堂緣主重竹逕為誰開偶  
與觀魚坐頻能相鳥來高城雖日暮歸騎且停催

其二

卜築雖人境無喧即洞天買園便水竹留客出詩篇砌  
鶴晴隨仗城雲晚駐筵苦吟何不就珠玉爛吾前

集魏園再用前韻二首

名園邀上客一一豫章材蓋轉蒼林入尊當錦石開跳  
波魚自樂得食鳥頻來莫厭相過數星霜暗已催

其二

秋至猶啼鳥林丘別有天客皆中散駕詩是少陵篇翠  
篠留吟管丹霞冒酒筵平生山水調今日盡君前

欽定四庫全書

夢澤集卷六

欽定四庫全書

集部

夢澤集卷八

詳校官中書臣葉元符

中書臣劉源溥覆勘

總校官進士臣朱 鈐

校對官編修臣潘 曾起

謄錄監生臣周 敦復



欽定四庫全書

夢澤集卷七

明 王廷陳 撰

詩

戴子

戴子自奇士鳴鞭入我園高義膽可吐悲歌聲復吞羞  
稱三輔俠不食四君門拔劍從此去捐軀行報恩

秋懷

幽客晚窺戶農人秋築場牛羊歸委巷鵲驚下回塘寒  
潦蝕叢竹淒風疎古楊田園誰謂樂牢落亦多傷

圃內

力疾扶筇出乘閒採藥行春林羣鳥悅朝日百花明水  
石留連坐亭臺次第營賞心猶未已極浦暮雲生

飲汪氏莊

蕪穢貧家產悲傷過客魂野翁談廢塢鄰豎入頽垣石  
鼎燒松葉瓷甕藉竹根那堪對搖落寒日下孤村

家僮舉網獲龜即命放之池中感而賦此

知與天機協形為世網嬰縱歸紆汝困求報豈吾情幸  
不刳腸死無妨曳尾生微軀難自料何貴有靈名

過吳道士山房四首

日月神能駐雲雷氣可生石牀蒼蘚剝金澗紫芝榮仗  
劍龍爭役吹笙鶴自迎誰知列仙園今已在江城

其二

塞兌人難語同塵市可藏步虛朝振珮禮斗夜焚香林

長金光草峯開紫翠房羞稱小山侶結束事淮王

其三

石髓邀賓飲丹書閉戶編鳳簫仙子下鴻寶至人傳滅  
火遙揮雨排空或駕烟遨遊凡幾日碧海欲成田

其四

逍遙潛咫尺變化屬須臾朱雀來窺冶蒼龍為守鑪瓊  
瑤林際草山海壁間圖但使黃金就寧悲白日徂

袁生馬射

生本五陵兒，驍雄主將知。  
弓彎明月抱，馬過浮雲馳。  
觀者咸稱善，敵人何敢窺。  
時平罷征戍，應不困邊陲。

夜坐

生事日蹉跎，將如落景何。  
馬蹄持自誦，牛角叩仍歌。  
把燭秋蛾集，開簾夕鳥過。  
長風自寥闊，颼颼振庭柯。

寄張子魚二首

張衡吾畏友，今已賦歸田。  
讒口雖三至，嘉名每獨全。  
劍分終自合，寶棄復誰憐。  
道遠無由晤，含悽寄此篇。

其二

骯髒時多忌逢迎術轉踈一朝懷薜荔即日棄簪裾把  
翰思玄賦投魚隱素書試看當路子馳騫竟何如

弔汪子

蘭芳元自禍玉玷竟誰磨逝水今如此為山復幾何業  
餘螢照息谷更鳥聲多且未遊方外臨尸詎忍歌

溪泛詠水中月影

圓景懸初滿澄川映頗宜魚龍蟾並窟荷芰桂聯枝擊

汰珠光碎沿流璧彩隨素娥非不潔終夕浴漣漪

春日學宮見雪

雪是初春積人於此地逢紆迴青帝駕散漫素王宮向  
晦能無昧當陽忽已融映書貧士喜何計緩東風

初月

舉頭新月上宴坐北堂時入攬不盈手窺粧祗肖眉  
生桂與逐蚌實免偏隨清光勿恨少向滿每由茲

書館對雪示諸子

白屋初鳴霰青衿此下帷歡披謝客賦苦詠曹人詩莫  
逐輕盈性須安寒素姿林中有杞梓今盡化瓊枝

春日郊遊同所知

芳郊聯騎出竹苑聽鶯遷共酌陶嘉月相看憶昔年病  
因春事減窮益故人憐祗恐聞鷓鴣花間拚醉眠

春遊贈劉子

時禽猶嘯匹歡賞合攜儔未老縣車卧乘春結駟遊雲  
光馳翠嶽樹彩幕芳洲飲興無令盡明朝復此求



病中得顏子書并見示諸作一首

卧病當寒景空齋正爾思五禽終日戲雙鯉遠方貽久  
著潛夫論初傳少女碑君才猶不用如我復何悲

道院對雪

朔雪兼風度玄宮此日開飄飄萬鶴集髣髴五神來綴  
洞石垂乳被巖瑤作臺晚筵聞鳳吹益信在蓬萊

聞箏二首

楚館名娃出秦箏逸響傳徘徊芳樹側掩映雜花前鴈

促玫瑰柱鶯喧錦繡筵  
年來哀怨切復此感繁絃

其二

花月可憐春房櫳映玉人思  
繁纖指亂愁劇翠蛾顰授  
色歌頻變留賓態轉新  
曲終仍自叙家世本西秦

遣興

并介元殊性浮湛非一歡  
嘯歌聊自適儕類肯相寬  
努力時難值驚心歲易闌  
何能忘魏闕自分老江干

寄顏惟喬

竟日無歡緒臨風懷所知  
泥塗今老大羽翼各差池  
芳草未堪折浮雲空自馳  
山中逢歲晏何以慰相思

喜阮子自蜀歸寄贈

昔厭蠶叢險今耽漁浦深  
狹中垂束帶多病合投簪  
予慕竹林侶長瞻楓樹林  
詠懷如有唱莫惜寄同心

遣興

向人久落落為計竟區區  
釣弋祇從好林廬總冒愚  
山風吹薜荔溪月浸菰蒲  
敢擬高賢跡聊全不肖軀

過范德和書屋因出所作見示留贈

谷暖亂鶯啼春晴酒為攜芝蘭叨入室桃李自成蹊  
黃絹人皆獎青衿孰可齊聖朝經術選安得久巖栖

十五夜翫月同所知

南樓頻進客西園復張筵賞屬清宵厭心從碧漢懸  
玉輪光始滿紈扇影初圓竟夕渾忘寐斜暉益可憐

八月十五夜對月獨坐

月當三五滿絕勝是今宵夾露蘭光濕含風桂影飄  
謝

客懷空結西園誰見招徘徊星漢側吟咏亦逍遙

對雪

銀霰拳帷集瑤觴倚檻揮著梅花早落入柳絮先飛飢  
鳥不避戶凍雲偏坐衣青陽雖稍近終未勝寒威

舟中對雪

朔雪度江樓蕭蕭生晚愁輕迴青雀舫密隱白鷗洲游  
女珮堪擲宓妃璫可留無媒向空闊含思對滄流

春日重過曾園

名園重繫馬麗日此開尊凍解溪聲亂暄回林氣繁轉  
憐花識面更覺鳥能言祗恐春光盡留連日易昏

志感寄京邑友人

棄置已如此飛翻知幾時不材堪比櫟陋質免為犧抗  
論復誰信壯圖空自悲敢云絃似直實有髮如絲

贈舒子二首

亦有振子意其如吾力微槍榆聊自適濡沫暫相依吳  
楚推儒行風霜損客衣生涯雖濩落奇氣尚翻飛

其二

一從棲楚地兩見改楓林  
歧路興長歎江山入苦吟  
交遊盡逢掖登眺幾開襟  
誰謂貧為病高風益可欽

夜坐

晚林虛白室淨几太玄經  
養拙關幽獨凝思啟性靈  
空堦沉霽月縣牖內秋星  
不寐時披戶流飈暗激螢

江上送吳明府以讞赴沔陽

盤錯才能辨明威獄可孚  
非緣審虞芮那得泛江湖  
琴

和雲間鶴鳥隨波上鳧簡書雖可畏魚鳥亦堪娛

豫章陳生紀善堪輿詩以贈之

汝擅青烏術頗為黃鶴遊山川委情狀歲月傍窮愁善  
補神功就能令鬼福酬高蹤何所似漂泊一虛舟

春遊

晴日動春沙乘閒到水涯開顏聊自媚得意欲誰誇躋  
磴時捫葛尋源屢入花江山憐病客行坐惠烟霞

奉酬皇甫百泉雪中見過留贈之什三首



積雪惟僵卧衝風故寵臨飄揚狂客性高潔直臣心  
懷瑾鮮可示投珠誰見欽賴諳消息理庶緩白頭吟

其二

雪裏使君至光增狐白鮮玉珂鳴宛轉瑤草踏黃緣  
剡曲偶移棹郢歌堪被絃報瓊慚未可寡和古今然

其三

含香辭漢署投賦弔湘纍白璧竟誰惜素絲誠我悲  
豈圖當雪夜聊得協風期丘也君能學應知涅不緇

贈廖子

嗟爾老風塵名堪高士鄰  
他鄉長作客異術恥干人  
月酌江城夕花吟楚岸春  
萍蹤任流轉隨處有交親

中麓二首為李吏部賦

聞說湖山勝雲霞萬壑平  
登丘望遠海送目寓高情  
鵬激天風起烏隨曉日生  
降神元有自應繫百年名

其二

迴望蒼烟合從中素業留  
高深開隴畝伏臘感松楸  
俯

瞰朝瞰上晴看海霧流主人棲省署魂夢此相求

贈張子

自遂歸田卧何曾入郭行比鄰稀識面州郡祇知名但  
結漁樵侶寧關婚嫁情溪潭垂釣處日見白鷗迎

寧公房對竹

雙樹謁空王叢篁隱上方欲窺童子偈因憩此君堂法  
雨晴堦濕香雲午院涼招邀竹林侶同醉給園傍

遣懷

齒髮今非故沉冥朝復昏扶衰綜上藥謝客偃中園通  
顯多相棄達生聊可論壯心隨草莽末路信乾坤

自團江赴黃倏忽望見城郭欣然賦此

野水平侵岸澄江穩放船櫓聲雜鼓吹檣影曳雲烟漫  
逐羣鷗後俄驚百雉前長風如可假乘夕向遙天

與數客偶至一所率爾題壁

茲地豈不邇吾儕今始逢林深睥睨入逕古剪除通壤  
石無他異琴尊幸此同一丘雖絕小心賞獨難窮

對雨

晚岫雲全出春江雨半吞  
氣先占礎潤聲急訝盆翻  
簷溜爭依戶渠流欲潰垣  
吾方厭塵垢天為淨林園

別墅邀賓

與客過林塘留歡出所長  
投壺按魯鼓弄笛據胡牀  
屏跡愚為谷逃名醉是鄉  
二三同志者倘肯恕吾狂

晚泛

投林衆鳥疾薄暮孤帆開  
落日似相逐前山恍自來  
雲

霞互明滅風浪爭喧飀待月面洲渚徒嬰逝者懷

訪百泉先生

謫居皇甫子獨步帝庭才吏隱門常閉賓朋選始開求  
羊非我輩驅馬為君來向夕香風度澤蘭誠可哀

其二

憐君公府內而乃構幽居暇日頻招侶無時不著書悲  
歌行自激直道向人踈放逐空嗟久誰聞薦子虛

初夏遊西山歸作

東陸銅渾改西山石逕迷暑輕經夏淺緩步獲高躋列  
岫映杯小孤雲行几低江天宵色裏客散欲聞鷄

陳叟

固窮誰得似汎愛竟何如齊客空彈鋏虞卿枉著書徒  
勞門駐馬無補釜生魚寂寞人云苦君顏日每舒

其二

生事緣儒誤傷心近老貧一餐資弟子數口仰交親身  
屬工詩病人譏貴酒頻時瞻戶外屨多是問奇賓

與二客留酌竹圃

林當大道側客出古城隈欲就七賢飲還邀二仲來鳥  
聲流碧樹人影墮蒼苔不必淮南桂淹留日幾回

別業偶題

紛紛車馬地寂寂丘園身始悟閒門趣非闕遠市塵入  
林先稚子分饌及農人日暮駕言返涼風吹葛巾

其二

耽晴出今日待雨耕後時農事豈不苦褊心良所宜塵



衿逢水浣露坐任風吹散髮烟墟裏行歌誰復知

贈別皇甫百泉

憐君辱刀筆愛客具琴書奇字人堪問能名孰可如鳥  
因求友至羊以敗羣除飾吏須儒術應知用不踈

其二

一從辭上國每恨寡論文與子時相見令予日有聞偶  
來珠復去暫合劍仍分倘賦相思曲因風報楚雲

其三

赤壁嗟流寓金陵喜量移遲迴今日別迢遞夏雲隨故  
國三吳接王宮六代遺之官兼過里去住愜心期

其四

江路指姑蘇蘭橈入畫圖客深諳楚語家近聽吳歛親  
愛唯貪聚君恩實恐孤過庭凡幾日復作省中趨

夏日山居即事

市逼村非遠城紆路亦長藤蘿青壁樹雲鳥翠微堂林  
日晴多蔭溪風午薦涼北窗時偃卧人代接羲皇

其二

寂寂郊原室悠悠野客心  
蒼林鳴鶴起白石飯牛吟  
坐玩高雲變留連片雨陰  
回車山逕晚多露畏相侵

其三

澗古苔長滿林深逕復微  
偶經松竹處聊挂薜蘿衣  
水鳥窺籬落山雲拂檻飛  
農人驚節邁負耒夜深歸

其四

相過嫌俗駕自瞻愛貧家  
陶令門前柳秦人洞口花  
試

暄看野馬占曙聽林鴉耕稼誰云苦吾生幸有涯

其五

開門臨巨壑扶杖入平沙雨後桑麻長風前楊柳斜仰  
天歌自勞休隴聽農誇應笑禳田者篝車望已奢

其六

寂寞翻為樂漁樵更可親林臯無俗務草澤有閒人祇  
欲全踈拙非關慕隱淪偶然隨稚子驅犢古江濱

別空山陳子

之子憶南州行行且復留  
頻年悲旅食五月問歸舟  
守黑雖卑術談玄實雋流  
秋風期返棹遲汝上江樓

園中作

林閣先自僻農圃近相安  
不樹千株橘猶滋九畹蘭  
放歌山峇響得酒月留歡  
就枕夜方寂空齋聞遠灘

得友人書感而賦此

少日同聲者書來祇數行  
二毛知闊絕雙鯉恨淒涼  
久賤親交棄無求老態狂  
世情那可問明發泛滄浪

閒步

卜築蒼巖畔為園碧水涯  
浴童依淺瀨浣女散晴沙  
中散林惟竹東陵圃是瓜  
村頭歸欲暮巾服映殘霞

寄友人

獨立向江天相思隔暮煙  
草玄從客笑衰白故人憐  
五嶽幾時去一丘長晏眠  
幽懷何所寄叢桂晚逾妍

別墅即事

衡宇終朝偃鄰家此選分  
重林頻翳日積水自蒸雲  
村

暝驅牛返門閒啁雀聞野人休錯訝樵牧本吾羣

其二

杖策攜羣稚墟行野色開泉因剡木引逕以逐林迴遠  
壑孤烟起高城片雨來所欣人跡罕吟嘯興悠哉

送十一叔入試

竹林頻接宴草澤每憐才匣劍豈終閉囊琴今始開南  
圖鵬激水北首駿登臺戰勝知能事秋風揚策回

贈東甌鄭磐山兼留其北上

挾冊來何地投詩謁我廬能工四聲韻兼擅八分書貌  
與葛巾古心從蓬鬢踈君無羨京洛且學楚江漁

其二

懷寶不獲售栖栖客楚鄉詞高凌幼婦篆古逼中郎相  
士因貧失依人減醉狂朱顏俗所薄感激欲沾裳

翟汝和雅善聲詩兼工圖畫浪跡荆郢高視時人  
一方縉紳爭先迎致潦草點綴價比南金然汝和  
不屑也今來謁予詩以贈之



程生負性氣自許更無前對客  
詼諧捷評人美刺偏頗  
為豎儒罵每荷名公憐  
圖畫知非志無令好事傳

送戴中丞歸

落魄郢中客銷魂澤畔吟  
久捐和氏寶且伏直生金  
君勿憂多口人當諒此心  
行經武夷下須上最高岑

其二

歸去豈不樂聊為留滯吟  
竟何汚白璧暫亦鑠黃金  
以我常失意於君倍感心  
讒人行且得安可老雲岑

泛鮑塘塘在元祐宮前用顏漢東韻時顧司空袁  
傳二中貴在坐

錦纜仙源接銀璫帝邨來駿驥臨水映鷓鴣觸船開秋  
遂清商發晴宮紫氣回再來桃水路莫遣世人猜

其二

玄宮金間碧秋沼水澄清槎泛還依斗蕭鳴且勸觥筠  
籠持棗獻芳餌得魴烹鶴駕何由假招攜仗友生

生日有感簡同館漢東少泉二子

五十來年是行藏往日非因之念親舊存者亦幾希  
矢心猶壯文章力已微操觚從二子哀薄藉餘輝

贈王生

近識七山子居然三楚賢竹林時偃蹇蘭澤恣黃緣  
莫謂覆盆下還期揚策前谷回鄒子律喬木看鶯遷

奉別大司空顧公二首

公旦營周禮諸生媿楚材紀詳王迹起閣重帝鄉開  
獻歲書從入乘春節與回園陵望不極淚盡漢江隈

其二

棄置時將晚疎狂性莫移  
頃緣外史召得赴尚書期  
白  
雪竟誰和青雲非我思  
泥塗荷知己瞻戀不能辭

賦石泉贈施子

施生美少年結廬依石泉  
掬泉淬寶劍坐石鳴朱絃  
自  
子表孤派從茲赴百川  
臨流時洗幘勺水漾青天

奉懷賓雲

吾宗賢伯子未老已懸車  
黃綬不屑綰清尊寧遣虛  
羅

傷廷尉宅書滿鄴侯廬隣室如堪假從君此卜居

賦空山贈陳子紀

有序

陳子紀客遊沔鄂以堪輿家稱然其人實儒生雖  
迫貧驅終歲奔驚卒卒無須臾間而不廢詩行坐  
輒口微哦至斗酒暢酣則仰天掀髯豪吟不絕隱  
隱稍自矜許似莫測即其詩往往中法程可誦吾  
里二三輕俊實不解詩見其吟也作勢狎之曰客  
子卑卑何得詩紀唯唯下之稱不敢而中實傲睨

已笑彼又善詭括世俗諧語應事出之輕重悉得  
予或憤鬱與之談輒解頤此其蘊藉豈常調哉嗟  
乎古稱相士夫之貧彼皮相之士顧何能得陳子  
矣今來以其號空山請曰公知我幸為我賦空山  
遂援筆成此贈之

已乖俗子調遂結山靈知獨往似逃侶偶來非赴期靜  
聞颺颺嘯動見烟霞隨巖洞晚欵仄言歸當勿遲

贈戴醫

戴醫方弱冠流輩不能如何自授神術非徒讀父書

其父

弁亦名醫而瑛術實溢出故云

衰殘年賴保延致日無虛尚有耽詩癖

煩君藥與除

定惠院宴集四首

三載不一至朝來當暮春江山宛如昨花柳幾回新  
信美仍吾土招邀且故人相看惜一醉無乃負佳辰

其二

石磴接巖扉行行上翠微  
賓朋花下至雲鳥竹邊飛  
韶

景度欲盡舊遊存苦稀蘇公何可作今古一沾衣

其三

結侶乘暄出憑高望眼開閭閻深負渚阡陌曲侵臺展  
席春雲映歸軒夕鳥催回看遮陳跡相送轉徘徊

其四

佳境不可厭芳時聊爾尋一披遠岫色兼會澄江心放  
誕從吾適遲迴屬所欽不知同醉者後此幾同臨

府治內禮賢堂落成桐岡君張宴於此以招郡之



耆舊予固非其人幸奉杖屨茲九月八日吾輩亦就  
此供具少展謝私詩曰躋彼公堂稱彼兕觥此之  
謂也乃即席賦詩四章

九日明朝是先期楚客狂競攜田父醞同上禮賢堂灘  
響來官舍雲陰過女牆當關幸不擾緩帶罄杯觴

其二

逐侶入逡巡琴尊就此陳急娛朱紱客預效白衣人更  
迭前為壽流連晚益親輿臺私借問底事主為賓

其三

吾儕每一見輒頌使君賢  
治出龔黃右情將竹素偏  
訟庭乘暇日開閣禮高年  
異代今朝飲長為故事傳

其四

高情報恐後是日出田家  
久擬輸芹子何能待菊花  
庖廚依粉堞巾服映丹霞  
欸語須分記明朝向客誇

湖上言懷二首

依依一水上況值沍寒時  
非漁復非隱自笑還自悲  
應

時修網罟終日對鳧鷖興至泛舟去尋源歸每遲

其二

微利素不屑哀年緣底忙祇因迫婚嫁遂爾逐漁商貨  
殖豈吾道浮沈聊此鄉交遊從見絕鷗鳥日相將

病目小愈志感

病目經三月茲晨稍辨人直憐長夜旦已負一年春庭  
藥開應徧園琴聽轉新誰云今小愈念往益傷神

小齋執熱躁鬱可知風雨忽來形情稍適於是期

故人之再至望神女之少留乃賦斯篇云耳

苦熱何能避歎此暫裁風因解愠至雨為濯枝來脫帽披軒出袞裳遶還回行雲忽不見目極楚王臺

一雨數日不絕田畷抱病獲之憂予聞而嘲之曰  
甫幸其潤隨忘其淫然則天之欲媚於人也難矣  
感而賦此

沾灑初回槁沉冥乃積陰未成書喜雨轉欲賦愁霖天  
地竟何意吾人還此心安能即開霽疇隴慰悲吟

送鄭公北上

離筵開祖道別駕向神京  
飛輓玉程急馳驅官況輕  
處膏元不潤濯水自知清  
好為司農道蒼生望緩征

李生向予言曰妓有名秋水者頗麗人也戲賦秋水

水  
楚客誇秋水令予發興新  
漢槎頻訊石洛襪自生塵  
日集鴛鴦侶時來鴻鴈賓  
不緣風浪隔長作問津人

奉酬桐岡公病後見惠之作

多病身仍健同聲思轉牽  
暫能逃簿領日每費詩篇  
勿藥占非謬加餐勉自憐  
黃人爭祝願天眷使君賢

石泉施生從余遊湖上  
數月忽中夜不寐枕上聞  
過鴈求曹之聲悵然有懷  
郊郢故人詰旦束裝向  
余求去余不能留詩以紀別

歲暮何所適孤帆遡漢源  
汝懷中散駕予愧孟嘗門  
酒盡即分手囊空唯贈言  
如逢郢中舊哀廢可無論

雨中喜雲渠李子過訪山莊

老去交情篤春來野興偏  
忽聞衝雨過遠候出溪邊  
田犬隨人後山雲落馬前  
何能避沾濕徐步聽鳴泉

其二

相隔祇旬月今逢素髮繁  
春林黃鳥集晚岫白雲屯  
韶景惜遄逝昵交嗟僅存  
留君宵共寐往事夢中論

桐岡先生遷滇南憲副奉贈

郭公性本靜於此五年留  
遷晚仍常格途遥屬暮秋  
冠裳父老乞篇翰士人收  
他日經行處應難近竹樓

夢澤集卷七